

do & humidi cum sicco nubes congregat, pluias liquefactione in naturali parit, quandoque fulgure & tonitruis mixtas. At si *Meriris* æstuarè soleat in sua regione, tunc aer redditur corruptior, & magis pestifer fit, similiter tonitrua magis innaturalia sonant, aut pluiæ in nimia abundantia effunduntur: Sed & hoc ex verbis huiusce Prophetæ Abakuc facillime discerni potest: *Iehoua ueniet ab Austro, operuit cælos & gloria eius, & laudis eius plena est terra, splendor eius ut lux erit, ibi abscondita est fortitudo eius, ante faciem eius ibit mors, & egredietur Diabolus ante pedes eius*, vel, ut alii interpretantur, *anteuenit ipsum pestis, & lue vastante in meridie*; *Abak. 3.3.* Simili etiam respectu res sese habet cū Vento nostro Boreali, quo flante nix, grando, glacies, & pruina producuntur: at vero ventus hic penetrans per plagā æquinoctialem, talem temperiem spirat illis hemispherii Antartici, & præcipue Zonæ temperatæ, qualis ventus poli Antartici ad nos spirat, videlicet ventum nubiferum, pluuiosum, contagiosum, & humidum, atque calidum: nam istiusmodi ventus ob diuersam mixtionem de diuersis naturis participat, estque hic omnium cæli ventorum maxime mixtus & compositus, & more chaos rudis atque indigesti se habet, vnde ex qualitatibus inter se repugnantibus consistit, causa autem maioris vel minoris ipsius prauitatis est in eo respectu, quod vel à bono Angelo *Vriël* seu *Noriël* vel à malo *Meriri* dicto ducatur atque dirigatur.

Vt ergo videmus, quod in vtroque hemisphærio vltimum clima versus quemlibet polum à Luna regatur, ita etiam à Cabalisticis Boreas seu cardo Septentrionalis gubernatur, atque etiam per consequens inter stellas Luna ibi habet dominiū, non tamen sine ingenti Saturni Virtute & operatione: nam in omni motu cælesti videmus circulū, cum in horis diei, tum in mensiū numeratione in partu fœmineo, atque ita etiam in omni alia re, vnde vbi definit Luna immediate incipit Saturnus; quare in extremis plagis vbi longior est solis distantia ibi hi duo planetæ in operatione coniungi obseruantur: Hinc ergo non modo à Cabalisticis verum & ab ipso effectu videmus Lunam præcipue cui præest Gabriel, & tum postea Saturnum à quo procedit qualitas constrictiua (more Astrologico loquendo) habere dominium in polis. At Saturnus præcipue polum Antarticum respicit, quamuis in vtroque operatur suo effectus, Locus autem intermedius, videlicet ille per quem polorum axis transit, ibi scilicet, vbi meridianus circulus ad angulos rectos secat æquinoctialem lineam, est locus vbi Iupiter situm suum habere dicitur, vnde & spiritus ab illa plaga spirans humidus & calidus est, aerique assimilatur. Porro sol sibi vendicat punctum subsolani, videlicet illam exacte partem in oriente, vbi circulus æquinoctialis Horizontem secare dicitur, vnde & huic cardini præfectus est *Michael*, qui est Solis intelligentia: At vero punctus à quo Eurus flat, videlicet ille directe locus, vbi tropicus capricorni secat in plaga orientali Horizontem, à Marte gubernatur, & consequenter illi plagæ præest malus & igneæ conditionis Angelus *Samael* dictus, qui est præfectus Martis, vnde tanta violentia, tanto ardore & æstu igneo spirare dicitur hic ventus: Quod etiā ex pagina sacra sic confirmatum habemus, *Euro perfringes naues Oceani: Ps. 48. 8.* Porro & quod Eurus adurat fructum & herbas campi, alibi docemur, *Gen. 41. 6.* Atque in Iona dicitur, *DEVS emisit fortem Eurum qui valde vrebatur mediante sole Ionam &c. Ion. 4. 6.* Sed hic Ventus nobis est aliquantulum madidior quam ille cæcias, quoniam spirat per regionem Iouis, atque etiam in via sui motus rapit secum & condensat aerem Borealem. At vero quo propinquius acceditur ad eius flatus eo sicciore & turbulentiore esse deprehenduntur, quare furiosiores sunt eius flatus in mari mediterraneo & Indico, quam apud nos, atque etiam ibi magis desiccant. Porro vero contrario respectu Ventus cæcias, qui flat ab eo orientis puncto vbi Tropicus cancri interfecat Horizontem, de siccitate Septentrionis participat, vnde à Marte præcipue gubernatur, atque etiam de Saturno habet aliquid stipticitatis, vnde pro pessimo atque siccissimo & impetuosissimo vento habetur, atque à sua malitia, prauitate, & inconstantia hoc nomen cæcias est sortitus: Hic ergo à *Samael* angelo præcipue & in minori portione à spiritu seu dæmone *Azaël* in Septentrione præfecto regitur, vnde & in malitia, & nubium congregatione, & assidua violentia versatur, regiturque Mars totum illud mundi orientalis latus per suum Angelum, ita tamen vt *Michaelis* imperio subiiciatur, qui beneuole ab æquinoctiali occidentali flare facit.

Sic etiam & per vniuersam plagam occidentalem Mercurius dominium suum extendit, qui in antro Affrico gubernatur maxime ab Angelo, vel bono vel malo, meridiei, & se iungit cum eo: nam Mercurius est inconstans, & solet cum bonis bonus esse, & cum malis malus: Porro in Affrico vento qui est inter Austro Affricum & Fauonium cum tumultuoso Angelo Meridiei se iungit, vnde & furioso vt plurimum more flare solet, imo vero hic ventus omnium est fortissimus, quoniam Mercurius inter omnes alios planetas est maxime ventosus.

At vero ab illo puncto, vbi linea æquinoctialis ad angulos rectos secat partem Horizontis occidentalem, flare dicimus Fauonium; græce Zephyrum, cui præsidet *Anael* simul atque bonus Angelus *Raphael*, quare salubres licet temperate frigidus & humidus, more latus muliebris, emittit flatus, quos spiritus solaris obuiam eundo reddit salubres, spermaticos & fructuosos: Denique Corus qui flat ab illa tropici cancri intersectione, quæ fit in occidentali Horizonte, participat tam de Venere

Venere